

拳匪紀事

卷四

魏國紀事

卷一

拳匪紀事卷四

日本佐原篤介

同輯

浙西溫隱

八國聯軍志

光緒二十六年三月初三日○北京來電山東有亂匪現已蔓延至直隸省聞各國皆須派兵至京

初七日○西四月六號駐京英美德法四國欽使奉其政府密諭聯名致哀的美敦書於華政府請兩月以內悉將義和團匪一律勦除否則將派水陸各軍馳入山東直隸兩省代爲勦平

十三日○北京專電云英美法俄各國艦隊羣集於大沽致詞政府謂山東亂匪勢益猖獗政府若於兩月以內不能鎮撫則各國聯合以兵力伐之

十六日○北京專電四國欽使所致之書總督尙未有回文○日前有英兵艦兩艘由滬來津停泊於大沽口外英租界工部局運到新式快炮一尊每點鐘可放一千餘响以備不虞○英領事葛梅甫君現仍留濟南迫請東撫竭力設法將義

和拳匪務絕根株

四月初二日○美京泰晤士報訪事云美國將派小炮艇一艘前赴中國常川駐防以保本國在華教士及美商權利○捷報云美國派阿利根並新阿利根兩兵艦北上原爲游歷起見並非美欽使康格君所請

二十一日○美國駐京使臣特調炮艇一艘駛赴大沽口○上海路透電局經理人接津函云英國保護使館之水兵因牛莊拳匪滋事本已奉命前往乃現忽留駐京都

二十四日○北京專電各國駐京公使因見義和拳匪勢力日甚北京事勢甚屬吃緊故共相聚議援中日戰事時調兵士進京之例各調兵士進京以便保護使館法使深以爲是而美使康格君則頗爲不然故未議有定局

二十六日○北京專電各國駐京使臣會銜相請領袖使臣照會總署逼請速將義和拳匪勦除否則各國將自行調兵辦理

二十七日○北京專電總理衙門已允駐京各國欽使之請卽行勦辦義和團匪並許嚴禁該會

五月初一日○日本兵艦派兵五名保領事署英美德艦水師亦將登岸
初二日○北京至天津之鐵路現已中斷因被義和團毀壞以致不能通行駐京
比國使臣現已率帶護兵百人入朝覲見矣○北京訪事九點半鐘來電各國現
已議定立時各調兵士進京以護使館至議定調兵進京之各國乃係英美德法日
德俄意七國此外各國則因目下並無兵船在中國洋面故此暫爲免調并聞各
國所調兵士至少亦須二百人故共計約有一千四百人云并又得有確信謂俄
國現於旅順口調集兵士一大隊一切俱已部署停妥一得號命令往保護蘆漢
鐵路即可立刻北上○威海衛來電英國阿求靈及奧蘭度兩兵艦載有水兵百
名大炮一尊現已起碇駛赴大沽口

初三日○直隸總督裕制軍傳命不准美兵艦所派進京保護使館之水兵由鐵
路火車上裝載進京駐京各國公使聞信後卽行會議向總署責問逼請速將洋
兵載運進京總署答以翌日照覆駐京各使臣因復嚴詞照會總署云倘果不能
立刻任洋兵由津搭坐火車進京各國卽須多調兵士到來不問華人是否阻止
定須用強進京云云按英日美三國兵士首先在塘沽登岸卽在該處候等俄德

法意等國之兵士到來以便一同起程故目下京中正在商議此事也○威海衛來電昨兩英艦往大沽內載陸兵百人大炮一尊一齊登陸○北京電英美法德俄義日七使議各調兵二百名自護使館○又電俄兵集旅順躍躍欲試以保護蘆漢鐵路爲名○德國由青島調派兵艦二艘駛赴大沽口其餘德國各兵艦俱屯泊於青島以便事急續調現在業已派兵五十人上岸保護使館

初四日○北京電各使聞直督令鐵路委員毋許載送西兵入京事立刻照會總署迅咨天津蠲除新禁總署答以詰朝再酌各使復照稱此禁不除卽當再增大兵自乘火車入都不論貴國之允否○美國兵艦奉急命迅速開赴北上○下午四點半鐘天津特開專車由津至京所有各國兵數如下 英國官三名兵七十一名法國官三名兵七十二名 美國官七名兵五十六名 意國官三名兵三十九名 日本官二名兵二十四名 俄國官四名兵七十一名兼帶快炮五尊 德兵五十名次日由塘沽乘車直到北京現駐津埠 各國兵計 英義兵一百名又兵七十五名 美兵七十三名 俄可薩克兵三十名俄兵三十二名又聞日本兵艦笠置號初八日可到大沽兵隊亦須加增云

初五日○北京電總署怵公議電直督諭鐵路委員備車送各國衛隊入都今來
英義日兵三百餘名分護使館○是夜天津俄領事聞警商請本國三武弁於
明晨帶馬隊三十迎護被難西人

初六日○天津電今泊北直隸海灣及大沽口外兵艦計俄九艘英德日各三艘
法美義各二艘俄艦更載陸兵近萬○是晚俄弁帶馬隊行至獨流縣地方爲村
民所圍俄弁以曾受不准妄發槍彈之軍令拔刀格鬪初殺二人村民仍猛進有
額束銅箍腰繫紅帶者五人策馬前導口中喃喃不絕俄兵疑卽彼中謠言之祖
師卽揮刀殺之更殺其黨二三十人餘衆始逃俄弁取其束髮銅箍及刀械旗幟
而還旗係紅邊白心大書保甲義和團六字刀械則鏽澀不堪○是日英使有布
告天下公電內開北方慢客之事本大臣讓至今日地步已到盡頭無可再讓試
觀輦轂之下拆路燒站斷電踞城者延五日之久華官並不過問猶未已也歐美
人數輩竟被華匪謀害於帝鄉而京津一帶之奉教華民慘遭劫殺禮拜堂同被
焚掠甚至在京諸教士不得不避至本使館本使館尙有水師七十五聊堪保衛
華政府見各國似動公憤因遣大臣就匪黨而與之議然仍不以鋤姦平亂爲心

也中國雖弱治區區拳匪必能掃穴擒渠第反目爲義民而惜之則永無撥亂反正之望矣且華兵又多與匪通心尤叵測我等使館惟旦夕間容可苟安耳○北京麥加利銀行於今晨七點鐘被人縱火焚燒曹廣和外國酒店亦遭殃及○德國巡船開色靈奧噶斯達暨芝非安以及益爾的斯共三艘現俱駛抵大沽口業已派兵百人進京保護使館○又倫敦電聞美相海約翰電請英政府協理華事如需兵力以平亂兼保護教堂旅客亦惟我兩國同舟共濟總之華事至今日更不堪問然大夢忽醒亦正在今日英美合力以相助必較他國協助爲優從此定中國之危機除舊布新不特斷不再喪失土地卽洞闢華門大通商利之舉亦可因此而成不禁跂予望之矣

初七日○倫敦發來專電云據美京華盛頓來信謂近聞美國首相海約翰君業已照請英國政府相助美國辦理中國目下要務如中國事勢孔亟卽須相請英國以兵力協助以保各教堂及各洋人之性命產業想英國亦斷不致於推却况中國今日情形更已不堪聞問正應使其夢醒之時何可失此機會且我英美二國如能合助中國辦事必較他兩國相助爲優而中國事機亦定可變而至於上

乘斷不致再有喪失土地之事矣卽關門通商一事亦可因此而成不禁拭目以俟也

初八日○北京電英俄法日意美等國調來保護使館居民之兵士水手等刻已抵京惟爲數甚微目下所到之各國兵士祇有三百三十七人而已法國現復添派兵士前往保護北塘及南塘之教堂日前京城甚爲安靜惟英美各教堂尙無人前往保護二國使臣亦無甚舉動想使臣亦保自己平安無事而已○法租界於某晚六點半鐘召集界內各洋行內壯丁攜械自衛英界則自定夜行禁例外備有速射礮以當要路夜間則有兵員巡衛德租界亦有兵員於夜間巡衛

初十日○天津電大沽口西兵六百名帶六炮同登岸華人一夕數驚○本埠某銀行接到北京電報知刻下已有俄兵二千人由旅順口調入京城俄國公使往告總署云義和拳匪猖獗太甚近日以來日聚日多恐貴國權力不能壓制故不得不出爲幫助○前月三十一號有西兵五百五十名已到天津內英兵約有二百人美兵約一百二十人日本兵五十五人俄兵七十五人法國兵七十二人意大利兵五十人惟德國之兵尙未曾到聞各國尙須續調多兵到京是日下午四

點鐘時當有英兵七十五人俄兵七十五人法兵七十五人美兵五十二人意大利兵三十人日兵二十五人於四點鐘時同乘火車進京起行時前往送行之西人不知其數已於是日下午六點三刻鐘時抵京卽行進城惟留英兵二十五人在馬家堡看守行李至次日方始入城○有團匪一隊與俄法日三國水兵在天津城外小戰一次西兵得勝擊斃團匪二十餘人餘卽一闕而逃又聞是日停泊於大沽口之俄法兩國兵艦共有十七艘

十一日○本埠某領事署得津電知俄法日本三國之兵已與拳匪在天津開仗西兵獲勝拳匪死二十餘人○本埠東友得津電知美國已續運兵二十五名至大沽○津電又云俄兵船泊大沽者共有十三艘○俄國政府近日已有明文致中國政府請准俄國來華代勦團匪以平北省亂事○日本二等鐵甲巡艦喀薩機計載重四千九百八十噸現已奉海軍衙門調赴中國大沽口矣○是日到俄兵八十四名法國兵四十九名又續到五十二名共九十二名

十二日○倫敦來電俄兵二千連槍彈等已從窪壘沙海口登程尙有六船預備濟師○天津電俄兵五千將上岸○英國後路水師提督乘坐巴魯弗兵艦於今

日由威海衛來至大沽口○華官初尙不准西兵登岸後因聞西兵不問准與不准總須上岸華官無法祇得言每國只准三十人登岸不得逾數言雖如此然西兵之登岸者三十五仍不等華官亦無奈之何○今日聞各兵已安進城中英使館餘屋甚多故兵士居住之處已足敷用矣○北京英使館來電云至今各國已到之兵士計英國三百零八人美國一百五十六人法國一百四十一人俄國一百零五人日本九十五人德國意大利國各八十人統共九百六十五人○是晚駐京各使電致駐津各領事皆謂京事甚危請卽火速調兵進京保衛夜半各領事會議各派水師弁兵乘坐火車沿途修理鐵路趕緊北上當各西員聚議時俄法兩領事時至旁邊私議聞俄國參將聲稱此時如欲入北京非有萬人不可祇俄國能辦之耳各領事均不應由是俄法兩國不肯合辦美國守備言諸君會議若是之久毫無成見予惟念我國使臣在京危險故不問諸君意見定須趕緊帶兵往援衆始怦然心動各國派兵進京之事遂定而推英提督西摩爾爲聯軍總統焉

十三日○北京來專電云俄日等國俱已照會華廷呈請代爲勦辦團匪平定亂

事俱經華廷回絕聞趙尙書現已派有密使前往保定府查辦一切矣○天津專電云郎坊及良孚 譯音 兩處鐵路車站悉經焚燬現有英兵七十人帶有機器快炮及九磅頭大炮數尊乘坐鐵路火車衝突前進以便查探確信大約該鐵路或爲英兵所奪亦未可知聶軍門業已督兵將團匪攻打并據報稱已擊斃團匪五百人又有西人惡生特暨開斯以及西女士阿斯的爾俱爲團匪所殺保定府末次所來消息亦甚警切電線仍斷目下有英國炮艇上之水兵一隊保護北帶河各局廠○聞英相沙侯業已電諭駐華英水師提督如亂事緊急准其便宜行事務須保全英國權勢以及商務等情○英兵艦之已抵大沽口者業已不少昨又派兵六百五十名帶炮五尊進京故目下在京保護使館之英兵共有九百人並大炮八尊較諸他國多逾四倍惟末次所調之兵士尙未抵京現仍在天津等候因鐵路已壞不能前進故也○是日下午六點鐘英水師提督西摩爾得都門英使電云勢急備遣援至七點鐘又電云遣援至少須備二千人遇急卽電告至八點鐘又電云速來恐太遲矣以上三電均於是夕十一點鐘始抵大沽提督當卽傳令辦嚴發水勇千五百人臨陳結束持三日糧西摩爾與其中軍甲必丹自

將之於明日早起四點鐘由塘沽進發○英兵艦黑米安尼昨日裝煤頗忙約於禮拜一卽須起行開往威海衛并聞該艦須先至大沽口然後再折往威海衛云○俄國兵艦名機略克者昨晨由西貢抵滬停泊於楊樹浦該艦俱係鋼皮鐵甲載重九百六十三噸長二百尺桅高三十七尺有一千匹馬力於一千八百九十七年在聖彼德堡造成其速率每點鐘可行海程十二英里船上裝有四寸七分徑口之機器快炮一尊三寸徑口之機器快炮五尊二寸六分徑口之炮二尊一寸八分徑口之炮四尊并有魚雷管子二個○是日英國兵五十一名俄國兵三十五名德國兵三十一名共抵天津○天津電今晨各國合兵八百名英兵居大半英水師提督西摩爾將之美艦統帶某爲副携機器炮及修路器具木植等乘火車向京進發遇鐵路中斷處卽任乘修之責未幾復有英俄法日兵數百續乘火車而去泊沽各艦再以水師登岸○華盛頓電北京各使商定入覲 太后面請速壓拳匪不然各國將代治○倫敦電英大戰艦自齊伯陸塔開往華海口○彼得堡電俄廷定計發兵代遏拳匪惟尙願與各國合辦○香港電香港步兵受命北行○總署不准西兵乘坐火車祇准乘船至京○西人現在特派專差試行

京津郵遞以便早得信息電報現尙可通

十四日○前德兵由膠州調往北京旋知到津後有某國出而阻止堅不許德兵登岸德兵不從○天津專電各國調派進京之水兵仍未動身因中國政府不許乘火車進京故也○六月十號晨十點二十五分鐘又發來專電云有西兵八百人刻已乘坐火車衝突進京內以英兵居多裝載機器槍礮之火車亦已開行隨車裝有鐵軌等物以便修造鐵路統帶該兵者爲英水師提督西摩爾及美提督麥克臘二君其俄法日等國之兵士暨續到之英兵則將乘坐第二次火車接踵進京目下續到之西兵在天津登岸者甚衆故此間西人之心業已稍定因有如許西兵到來可以稍資保護矣○六月十號下午三點零五分鐘發來專電云現有西國水兵一千人于今晨由津乘坐鐵路火車前往楊村及北京等處○又有各國西兵一千七百餘人頃由天津乘坐火車進京至各國續調之接應各兵亦即可陸續來到矣○聞有俄兵四千人業在北帶河登岸現已起程進京○天津於是日到有日本兵三十八名官一員英國兵四百七十三名官八員炮三尊德國兵五百零三名官十七員法國兵六十一名官四員俄國兵二十一名官一員

炮五尊

十五日○督帶駐津各西兵之英守備培雷又欲借火車一串載兵進京鐵路會辦唐少川觀察以上憲有命不准再借卻之培雷不與之言即命部兵逕登火車唐督辦則命工人拆毀鐵軌培雷大怒傳令各兵滿裝槍彈以待唐亦怒曰爾可知予爲是路之督辦乎培雷曰予不問爾爲何如人爾倘必欲拆路阻拒我兵予必先將爾擊斃唐始不再言○政府日前不許西人發電至津各公使無如何乃共派一人坐小舟轉輾至津致信兵船所有駐紮大沽各兵艦立即派兵登岸由火車入都內以英國兵爲最多仍隨地屯紮故目下所有火車鐵路均由西兵佔踞○俄兵有五千入早欲在大沽登岸又適遇該國教堂被焚華官更不能阻止○聞法國擬由西貢調派大兵來華○又聞英國現亦於孟買地方雇定運船四艘裝載印度兵前赴威海衛○所有在大沽口外之各國兵艦現已有三十餘艘內中德國水師各艦除瓜兒在長江愛利尼在膠州外餘均聚泊在彼○聞德國水師提督彭德門君已奉有德廷之命令其力保德國利益准其便宜行事○日本現亦續調巡船兩艘駛赴大沽口○英國水師艦隊或在威海衛或在北直

隸海灣駐泊

十六日英國現調來華之師船計兵艦一名羅薩遼已抵香港旗艦一名哥立夫已由芝伯拉起行來華巡艦一名阿古納亦已開赴中國○美兵艦莫諾開賽定於本日由滬開赴大沽○近由北省來者云停泊塘沽之英兵艦於本月五號派兵一隊隨帶機器快炮四尊在該處登岸英國阿爾及林兵艦時亦停泊於大沽炮臺口外豁鼎兵艦亦在大沽口停泊與各大艦傳遞信息其飛姆一艦裝載別艦兵士現已駛入大沽口內又德國巡艦依爾的斯亦於本月二號派兵一隊由大沽乘坐鐵路火車至津同時有華兵一千人亦坐火車至津○北京專電云駐京美國公使現已調派水兵一隊由京起行馳往通州救護美國教士○又云塘山各工程師亟請派兵保護一節現已派有英兵一隊前往保衛矣○香港來電云香港營中英兵一隊半係惠爾斯炮隊營中之兵現俱部署一切預備卽速赴津○青島來電云除前已派兵五十人至京外現復派兵二十五人馳赴天津○天津專電云俄兵艦現又派兵一千七百四十六人馬二百七十七匹於此間登岸隨帶有大炮二十四尊○又有俄兵艦兩艘載兵千人目下已至大沽○聞由

香港調來之英兵一千人現亦行抵大沽○日本巡艦蘇馬近派武弁五人兵士七十一人在津登岸○聞英國已在孟買及加爾格搭賃定輪船八艘裝載英兵及印度土兵前來中國至調離印度兵士之缺卽擬以調赴南非洲之兵士俟到芝伯拉打及毛打時改調至東方以抵其缺○又聞英國由香港遣調惠爾斯炮隊兵士四營北上○天津專電現在修理鐵路工程甚爲遲慢有旅順口到來之俄兵一千八百人隨帶大炮十五尊定於今晚由津起程進京○日本豐橋艦於本月十六日夜載水兵三百名開赴天津○又高砂秋津兩艘亦於同時派赴天津尙有鎮中鎮南兩艦亦擬卽時加派赴津○今日接有英水師提督來電謂昨晚各西兵正在督率工程師等修理鐵路時突有團匪等蜂至滋鬧當與接戰各西兵一無損傷團匪斃者六十餘人受傷者六七十人當將傷者解赴天津其一人已死于途尙有一人則至鐵路車站後亦卽斃命○并聞各團匪被英兵擊退時美兵適在該處兩面開炮夾攻故得斃其多人當若輩初至之際以爲槍炮不入無懼軍火胆量甚壯其中尤以小孩居多今擊斃者若是其衆可知若輩之言實不足以憑信而愚民竟信之不疑殊令人有所難解也○并聞其時有一匪目身